



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), člana 4. Odluke o standardima i kriterijima za imenovanje u Upravni odbor Javne ustanove „Dom zdravlja“ Zavidovići („Službeni glasnik Općine Zavidovići“, broj: 4/2012, 2/2015 i 5/2020) i člana 2. Odluke o oglašavanju upražnjenih pozicija predsjednika i članova u Upravnom odboru Javne ustanove „Dom zdravlja“ Zavidovići , broj:02-04-1825/2020 od 14.07.2020.godine, Općinski načelnik, raspisuje:

JAVNI OGLAS

za izbor i imenovanje predsjednika i članova Upravnog odbora u Javnoj ustanovi
„Dom zdravlja“ Zavidovići

Zbog isteka mandata predsjednika i članova u Upravnom odboru Javne ustanove „Dom zdravlja“ Zavidovići, objavljuje se javni oglas za izbor i imenovanje predsjednika i članova Upravnog odbora Javne ustanova „Dom zdravlja“ Zavidovići i to:

- predsjednik Upravnog odbora , 1 pozicija -predstavnik osnivača,
- član Upravnog odbora, 1 pozicija - predstavnik stručnih radnika Javne ustanove „Dom zdravlja“ Zavidovići,
- član Upravnog odbora, 1 pozicija-predstavnik Ministarstva zdravstva Zeničko-dobojskog kantona, zbog isteka mandata predsjedniku i članovima Upravnog odbora.

Opis pozicija

Upravni odbor JU „Dom zdravlja“ Zavidovići nadležan je da:

- a) donosi Statut, Pravilnik o radu, druge opće akte u skladu sa zakonom, Poslovnik o svom radu, planove rada i razvoja Doma zdravlja,
- b) odlučuje o raspisivanju javnog konkursa za imenovanje direktora Doma zdravlja,
- c) imenuje i razrješava direktora, odnosno v.d.direktora Doma zdravlja,
- d) utvrđuje planove rada i razvoja Doma zdravlja,
- e) utvrđuje godišnji program rada i plan nabavki Doma zdravlja,
- f) donosi finansijski plan i usvaja periodični i godišnji obračun,
- g) odlučuje o svim pitanjima obavljanja djelatnosti radi koje je Dom zdravlja osnovan, ako zakonom nije određeno da o određenim pitanjima odlučuje drugi organ ustanove,
- h) usmjerava, kontroliše i ocjenjuje rad direktora,
- i) rješava sa osnivačem sva pitanja koja se odnose na obavljanje djelatnosti ustanove,
- j) odlučuje o prodaji, kupovini, investicijama, korištenju kredita, kreditiranju, donacijama, reprezentaciji, školovanju i edukacijama kadrova (izuzev specijalizacije) i otpisu stalnih sredstava iznad vrijednosti od 6.000,00 KM
- k) odgovara osnivaču za rezultate rada Doma zdravlja,

- l) odlučuje, u drugom stepenu, o prigovorima zaposlenika na rješenja direktora ili drugog nadležnog organa kojima je odlučeno o njihovim pravima, obavezama i odgovornostima iz radnog odnosa,
- m) podnosi osnivaču najmanje jedanput godišnje izvještaje o rezultatima rada i poslovanja Doma zdravlja,
- n) odlučuje o poslovnoj saradnji sa drugim ustanovama, preduzećima i drugim pravnim licima
- o) odlučuje o zaključivanju ugovora sa nadležnim zavodima zdravstvenog osiguranja,
- p) vrši i druge poslove u skladu sa zakonom, Statutom i odlukom osnivača.

A) Kandidati trebaju ispunjavati sljedeće opće uslove:

- a) da je državljanin Bosne i Hercegovine,
- b) da je stariji od 18 godina,
- c) da nije otpušten iz državne službe kao rezultat disciplinske mjere (bilo na nivou države ili entiteta) u periodu od 3 godine prije dana objavljivanja upražnjene pozicije,
- d) da nije pod optužnicom Međunarodnog suda za ratne zločine u bivšoj Jugoslaviji (član IX.1.Ustava Bosne i Hercegovine),
- e) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH („Službene novine Federacije BiH“, broj: 12/03, 34/03 i 65/13),
- f) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u FBiH („Službene novine FbiH“, broj: 70/08),
- g) da nema privatni finansijski interes u instituciji u koju se kandiduje,
- h) da nije osuđen za krivično djelo i privredni prijestup nespojiv s dužnošću u upravnom odboru zdravstvene ustanove, pet godina od dana pravostnažnosti presude,
- i) da nije stariji od 70 godina na dan imenovanja.

B) Pored općih uslova, kandidati trebaju ispunjavati sljedeće posebne uslove:

- a) VSS (VII/1), ekonomskog, pravnog ili zdravstvenog smjera,
- b) da imaju najmanje 5 godina radnog iskustva u struci,
- c) da uživaju ugled u lokalnoj zajednici,
- d) da nije član nadzornog ili upravnog odbora, odnosno odbora za reviziju u više od jednog privrednog društva,
- e) sposobnost za savjesno, odgovorno i odlučno obavljanje upražnjene pozicije,
- f) sposobnost nepristrasnog donošenja odluka, komunikacijske i organizacijske sposobnosti,
- g) sposobnost tumačenja ekonomskih, tehnoloških i pravnih analiza i propisa,
- h) rezultati rada ostvareni tokom poslovne karijere,
- i) preporuke ranijih neposrednih rukovodilaca, naročito u oblasti zdravstva.

Kandidati za člana Upravnog odbora Javne ustanove „Dom zdravlja“ Zavidovići ispred stručnih radnika zdravstvene ustanove mogu biti zdravstveni radnici VII stepena stručne sprema sa završenom specijalizacijom.

Mandat člana Upravnog odbora traje 4 godine od dana imenovanja.

Prijava kandidata treba da sadrži kraću biografiju, adresu i kontakt telefon, a u prijavi su kandidati dužni navesti da li se prijavljuju za poziciju ispred reda :

-osnivača,

-stručnih radnika Javne ustanove „Dom zdravlja“ Zavidovići,

-Ministarstva zdravstva Zeničko-dobojskog kantona.

- Uz prijavu treba dostaviti original ili ovjerenu kopiju sljedećih dokumenata:
- dokaz o stručnoj spremi,
 - uvjerenje o položenom specijalističkom ispitu (za člana ispred stručnih radnika zdravstvene ustanove) ,
 - dokaz o radnom iskustvu,
 - izvod iz matične knjige rođenih (ne starije od 6 mjeseca ili trajni izvod iz MKR-ih),
 - uvjerenje o državljanstvu (ne starije od 6 mjeseca),
 - uvjerenje o nekažnjavanju nadležne policijske uprave (ne starije od tri mjeseca),
 - uvjerenje da kandidat nije učinio privredni prijestup nespojiv sa dužnošću u upravnom odboru zdravstvene ustanove, pet godina od dana pravosnažnosti presude od nadležnog suda (ne starije od 3 mjeseca),
 - ovjerenu izjavu kandidata za tačku c), d), e), f) i g), pod A) i tačku d) pod B),
 - podatke o ranijim neposrednim rukovodiocima.

Oglas ostaje otvoren 15 dana od dana posljednjeg javnog objavljivanja.

Prijave sa potrebnom dokumentacijom mogu se dostaviti lično na Pisarnicu Općine Zavidovići (prizemlje zgrade) ili preporučenom poštom, u zatvorenim kovertama sa naznakom „prijava na javni oglas za Upravni odbor JU „Dom zdravlja“ Zavidovići -ne otvaraj”, na adresu - Općina Zavidovići, ulica „Safvet bega Bašagića“ bb., Komisija za izbor na upražnjene pozicije predsjednika i članova u Upravnom odboru JU „Dom zdravlja“ Zavidovići.

Na koverti obavezno navesti tačan naziv pozicije na koju kandidat aplicira (ispred reda osnivača; stručnih radnika Javne ustanove „Dom zdravlja“ Zavidovići ili ispred reda Ministarstva zdravstva Zeničko-dobojskog kantona)
Neblagovremene i nepotpune prijave neće se razmatrati.

OPĆINSKI NAČELNIK
mr. sci. Hašim Mujanović

